

## ԵՊԻՍԿՈՊՈՍԱՅ ՀԱՎԱՔ ՄԱՅՐ ԱԹՈՒ Ս. ԷԶՄԻԱԾՆՈՒՄ

Մայր Տաճարի օծման 1700-ամյակի հոբելյանական ձեռնարկումների շրջանակներում հոկտեմբերի 28-ից 29-ը Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի նախագահությամբ իր աշխատանքն սկսեց Եպիսկոպոսաց խորհրդ-դակցական հավաքը: Ամենայն Հայոց Հայրապետի հրավերով Հայաստանից և Սփյուռքից հավաքին մասնակցեցին 37 եպիսկոպոսներ:

Վեհափառ Հայրապետի հանդիսապետությամբ Սրբազան Հայրերը, նորոգելով իրենց ուխտը հանդեպ Մայր Աթոռ Սուրբ Էջմիածնին, աղոթք մատուցեցին Մայր Տաճարում մասնակցելով Ճաշու պաշտոնի: Արարողությունից հետո Վեհաբանի հանդիսությունների սրահում հավաքի կազմակերպման հանձնախմբի ատենապետ, Եգիպտոսի հայոց թեմի առաջնորդ Տ. Զավեն արքեպս. Չինչինյանի բացման խոսքով եպիսկոպոսաց հավաքն սկսեց իր աշխատանքը:

Հավաքի մասնակիցներին իր ողջույնի և օրհնության խոսքը բերեց Ամենայն Հայոց Հայրապետը: Նորին Սրբությունը կարևորությամբ շեշտեց եպիսկոպոսաց դասի առաքելությունը Եկեղեցու կյանքում:

«Առաքելական հաստատությամբ եպիսկոպոսը բարձրաստիճան սպասավորն է, տեսուչն ու վերակացուն Եկեղեցու՝ կոչված նախանձավորը լինելու Հայաստանյայց Եկեղեցու վարդապետության, հետևորդը՝ ուղիղ ընթացքին ու գործերին մեր սուրբ հայրերի, Ավետարանական պատվիրանների ու պատգամների շավիղներում առաջնորդելու և անկորուստ պահելու իր խնամքին հանձնված հոյրը բանավոր: Մեր եպիսկոպոսները կոչված են նաև պատվիրակն ու դեսպանը լինելու Սուրբ Էջմիածնի»:

Վեհափառ Հայրապետն էական նկատեց եպիսկոպոսական հավաքների պարբերական գումարումը՝ ներկա ժամանակներում Եկեղեցու առջև ծառացած մարտահրավերներին ու կուրակված խնդիրներին համարժեքորեն արձագանքելու և պատասխաններ գտնելու համար:

Այնուհետև հավաքի մասնակիցներին ներկայացվեցին Նորվան եպս. Զաքարյանի և Եզնիկ եպս. Պետրոսյանի զեկուցումները եպիսկոպոսների և եպիսկոպոսաց դասի առաքելության, ինչպես նաև Հայ Եկեղեցուն ու հավաքացյալ ժողովրդին հուզող խնդիրների առնչությամբ: Զեկուցումների շուրջ ծավալվեցին քննարկումներ:

Ընդգծվեց նաև, որ այսօր Հայ Եկեղեցու առջև ծառացել են ծիսական, կանոնական, ընկերային, բարոյական, ինչպես նաև միջեկեղեցական հարաբերությունների ընթացքում արժարժվող դավանաբանական բազմաթիվ հարցեր:

Երկօրյա խորհրդակցության արդյունքում եպիսկոպոսաց հավաքը, անհրաժեշտ համարելով նման հարցերի հանգամանալից քննարկումը եպիսկոպոսական ժողովների ընթացքում, դիմեց Նորին Սրբությանը՝ խնդրելով երկամյա պարբերականությամբ եպիսկոպոսա-

կան ժողովներ հրավիրել՝ քննության առնելու Հայ Եկեղեցուն հուզող առկա խնդիրները և հստակեցնելու դիրքորոշումները դրանց վերաբերյալ, ինչպես նաև Մայր Աթոռում սրբո՞ծելու եպիսկոպոսական ժողովի աշխատանքները համակարգող գրասենյակ:

Վեհափառ Հայրապետը եզրափակման խոսքում իր գնահատանքը բերեց եպիսկոպոսաց հավաքի կազմակերպիչ հանձնախմբին՝ գոհունակություն հայտնելով հավաքի աշխատանքների արդյունավետ անցկացման համար, և Կովեց Հայրապետական իր օրինությունը՝ եպիսկոպոսական ժողովներ գումարելու և Մայր Աթոռում համապատասխան գրասենյակ սրբո՞ծելու առաջարկին:

Գրասենյակի վարիչ-պնօրեն նշանակվեց Վիրահայոց թեմի առաջնորդ Տ. Վազգեն եպս. Միրզախանյանը:

Եպիսկոպոսաց երկօրյա հավաքն ավարտվեց միասնական աղոթքով:

ՄԱՅՐ ԱԹՌՈՒ Ս. ԷԶՄԻԱԾՆԻ  
ՏԵՂԵԿԱՏՎԱԿԱՆ ՀԱՄԱԿԱՐԳ



Երախտիկական խմբի անդամները, որոնք մասնակցում են Վեհապետության ժողովին

